

տխարակներն ձեր ուղին շտկած են ,
անխոտոր ձեզ կ'առաջնորդեն , մինչև
ձեր նպատակակէտն հասնեք : Տե-
րունական ուխտաւորաց երեսաց վրայ
ժպիտներ կը փայլէին , երբ զձեզ յա-
ռաջագիմուժեան ասպարէզին մէջը
կը տեսնային :

Հնորհակալ եմք առ այս Մե-
նապատիւ Արքայի Արքայական Պատրի-
արք Զօրմէն , որ իւր պաշտօնին կու-
շտած օրէն 'ի վեր փայթ ունեցեր է
դպրոցիս յառաջագիմուժեան և բա-
րեկարգութեան . շնորհակալ եմք
Ս . Միսկույս Արքայական սուրբ
հայրերէն , որ 'նորին Արքայական
նեցուկ եղած են առ այս իրենց ջան-
քերնին ալ չը խնայելով . շնորհակալ
եմք յաւէտ վանուցս Վարչութենէն
որ իրենց սիրելի դպրոցն օր աւուր ա-
ւելի զօրանալու համար , օրինաւոր
Տեսչութեան և դաստիարակաց յանձ-
նած են զայն , որոնք գիտեն ընկերակա-
նութեան համար դաստիարակեալ
սրտեր պատրաստել , գիտեն մտաց
ճրագներն վառել և գիտեն Հայրե-
նեաց համար նախնական զաւակներ
հասցունել :

Հայոց մանկունք , զձեզ տեսանք
իրբեւ առհաւատչեայ Հայոց յա-
ռաջագիմութեան . կացէք դուք 'ի
սէշ հայրենեաց և մեք յուսով 'ի սէր
ձեր՝ սպասելով ձեր պողաբերութիւն .
'ի վերջոյ կը մաղթենք ձեր բարերար
դաստիարակաց համար ժրաջան բա-
ղուկներ , որք կարող են զձեզ պաշտ-
պանել , և ձեզ համար ալ քաջնթաց
յառաջագիմութիւն :

Ի դիմաց տէրունական ուխտա-
ւորաց

Սեպրու Վ . Սիւրբան
Սիւրբան Վարդապետ .

1872 . Ապրիլ 19
Ղարապետ :

ԿԱՐԳԱԳՐՈՒԹԻՒՆ

Ս . Ռ . Ո . Ղ . Զ . Ո . Թ . Ե . Ա . Ն

(Հարունակութիւն , տես թիւ 31)

Չիք ինչ այնչափ առաւել օգտա-
ւէտ շնչարգելութեան , որչափ չոր ,
մաքուր և բարեխառն օդ . քանզի
փակեալ օդ քաղորթի կամ բնակու-
թեան մնասակար է յոյժ : Վասն որոյ
պարտ է հիւանդին հողալ զտեղի
բնակութեան , որոյ օդն իցէ բարե-
խառն : յատկապէս եթէ իցէ այն ծռ-
վեղերեայ տեղի , ուր և կարէ յամե-
նայն առաւօտ լուանալ 'ի ջուր ծռ-
վու , և երբեմն մի կամ երկու ամի
ըմպել 'ի ջրոյն :

Պէշ :

Ի սոյն հիւանդութեան զանազան
բժշկիչ առեալ են զփորձ պէսպէս
դեղորէից , այսինքն՝ եփուած քրանա-
բեր փայտից , ոգի արմատոց չըջանի
արեան , փոշի վտարիչ բաղամի , դեղ-
հատ փսխման , խարանագեղ կամ օ-
ժանելի կրծոց , թանձր խահվէ , նը-
շոյք չոգորափ կաթամբ եփեալ , ծը-
խանելի տերեւ ինչ կլուպն , և այլն
և այլն : Այլ յայոցանէ ամենից ոչ մին
և ոչ միւսն բաւական է տալ կատա-
րեալ առողջութիւն : Այլ միայն օգտաւէտ
բժշկութիւնն այս հիւանդութեան է
որպէս գրեցաւ 'ի վերոյ , բնակիլն 'ի
չոր և 'ի բարեխառն տեղաջ կամ 'ի ծռ-
վեղեր . հետեւել պատշաճ կերակրոց ,
'ի բաց կալ ամենեւին 'ի զօրաւ օր ըմ-
պելեաց . զդուշանալ 'ի սաստիկ հող-
մաց , յատկապէս 'ի թիկնաց կուսէ .
յամենայն առաւօտու և գէտ յե-
րեկոյեան , այսինքն 'ի մտանկէ արեւու

առնել զկանոնաւոր կրթութիւն՝ ճեմելով 'ի բաց օդի, կամ շարժելով ըզձեռս և զոտս պէտպէս եղանակաւ որով հնար լիցի շնչերակաց, ջղաց և մկանանց ընդարձակումն գտանել: Իսպց զգուշանալ պարտ է զի մի կրթութիւնն իցէ անգրքան զկարողութիւն հիւանդին, որ յաւէտ վնաս է քան օգուտ:

Նաեւ փոյթ տարցի սնդութեան որովայնի հիւանդին, երբեմն առնելով զթեթեւ լուծողականս, որոյ բարեգոյնն է խաբրով, կամ սէնամանս, և զգուշանալ 'ի նստելոյ կամ յերկար կանգնելոյ 'ի խոնաւուտ տեղւոջ և 'ի թացեալ զգետտուց, որով եթէ շնչարգելութիւնն չէ ժառանգական, կամ միանգամայն փարատի, կամ ոչ լիցի այնչափ սաստիկ, որչափ բնութիւն այս ախտի պահանջէ:

ԳԼՈՒԽ ԺԱ.

Արտաքին և արտաքինութիւն:

Այս սարսափելի ախտ յանկարծակի ըմբռնէ զմարդ կորստեամբ զգայութեան և շարժման անգամայն, և որչափ տեւէ այն, երեւի հիւանդն իբրեւ զմեռեալ. միայն կենդանութեան նշան երեւի 'ի մէջ թորոցն և սրտին:

Թէեւ այս հիւանդութիւնն է միշտ մահառիթ, բայց երբեմն եւս հնար է բժշկել զայն, եթէ ըստ ժամանակին պատշաճապէս խնամ տարցի հիւանդին:

Այս ախտ սրտահի յաւէտ 'ի նստողական անձինս, որք կեան անվայելուչ կեցութեամբ, միշտ վայելելով առատ և իւղալից կերակուրս և զօրաւոր ըմպելիս՝ առանց պատշաճ

կրթութեան, և որ բազում անգամ պատահի 'ի ձմերան և յանձրեւային եղանակի, այլ 'ի ջերմին վայրս յամենայն եղանակի:

Պատճառ:

Պատճառ յանկարծակի կաթուածոյ է ճնշումն ուղեղան գլխոյ պատճառեալ յառատութենէ տրեան կամ 'ի ժողովմանէ ջրային հիւթոց 'ի գլուխն:

Նաեւ հնար է պատճառիլ յայն պիտեաց, որ յորդէ զըջան արեան առ գլուխն, կամ արգելու զդարձ այնուրիկ 'ի գլխոյ, պատճառեալ 'ի սաստիկ բարկութենէ կամ 'ի տարտամութենէ մտաց. յընդերկար հայելոյ խոտորնակի յառարկայ ինչ, 'ի խիստ կտրանաց պարանոցի, 'ի ղեղն և 'ի շուայո կեցութենէ. յարգելմանէ միւլոյ, 'ի կարի ջերմ մարմնով դիմելոյ առ սառն կամ առ զովարար օդ գիշերոյ, 'ի կարի երկար լողանալոյ 'ի ցուրտ կամ 'ի ջերմ ջուր, 'ի յանկարծ ներգործութենէ վախճառական ախտի. 'ի սովորական շարաւալից պալարաց, կամ 'ի յանկարծ ցամաքելոյ կամ խափանելոյ սովորական արտաթորման. որպիսի են, թութք, գաշտան, բընական կանոնաւոր լուծումն որովայնի, և այլն:

Նշանք այս հիւանդութեան, զգուշութիւն և բոխումն:

Սովորական նախազուշակութիւն այս հիւանդութեան է պտոյտ գլխոյ, փոփոխամտութիւն, կորուստ յիշողութեան, թմբրութիւն. հնչիւն ալ կանջաց, մղձաւան գիշերոյ, ըստ ինքեան արտաթորումն արտաօտաց և դժուարին շնչառութիւն:

Եւ յորժամ այս նշանք երեւին յումեք, պարտ է նմա երկնելի ՚ի յանկարծակի հասանելոյ ՚ի վերայ սոյն աւանդաբան աստի, և գուն գործեսցէ ունել զառաջս նորա թեթեւ և անդօր կերակրով, արիւն առնելով և թեթեւ լուծողական դեղոց հետեւելով:

Յարիւնային կաթուածս՝ եթէ հիւանդն ոչ ժեռանիցի իսկոյն, կերպարան նորա երեւեսցի զուարթ և արիւնագոյն, երեսն այտուցեալ. երակք արեան՝ յատկապէս պարանոցին և քնոցն լի. զարկ բազկացն սաստիկ, ակունքն ցցուեալ և անշարժ, և երբեմն եւս փակեալ. դժուարին շնչառութիւն եւ անդադար խորդիւն սաստիկ:

Յայս տեսակ կաթուածս պարտ է առնուլ զամենայն պատշաճ միջոցս նուազելոյ զուռն շրջանի արեանառգլուխն, պահել զհիւանդն բոտ աւանայնի հանգիստ և հով. յընկողմանին նորա պարտ է դնել զգլուխն բարձր և զոտն ցած, կամ կախել առ վայր, թուլացուցանել զգգեստն. եթէ իցեն կապանք ՚ի պարանոցն՝ բանալ խալառ. մուծանել ՚ի սենեակն օգ զովարար՝ բանալով զդուռն և զպատուհանն միանգամայն, կապել ըզմէջն պինդ կապանօք, առ ՚ի խալառնել զշրջան արեան ստորին մարմնոյ մասին ՚ի վեր: Եւ յորժամ հիւանդըն զետեղեսցի յայսօրիսի պատշաճ դրութեան, ապա հարկէ իսկոյն արիւն առնուլ ՚ի պարանոցէն կամ ՚ի բազկաց, զոր ըստ պահանջման պարտ է կրկնել. արկանել կակղացուցիչ կամ լուծողական դրեխս իւղով ձիթապողոց կամ նոր կարագով առ իւրաքանչիւր երկու ժամս անգամ մի, և ձգել ՚ի յուսամէջն և ՚ի սրունս օտից զխարանադեղ սպեղանիս:

Իսկ յորժամ մահադուշակ նշանք հիւանդութեանս սակասին, և հիւանդն կարէ կլանել զգեղ, պարտ է առ ժամայն տալ նմա ըմպել զթոյլ լուծողական հեղուկս, այսինքն՝ եւ փուած Լամբինդոյ, շիճուկ քրիմաբարի, կամ շիճուկ կաթին ընդ քրիմաբարի, գլխէրայ աղ, սենաման և այլն:

Նոքրիկ սրբ ենթակայ են սոյն հիւանդութեան, և կամ որք արդէն վարակեալ են անդամ միայտուախտիւ, պարտին կեալ կարի զգուշութեամբ ՚ի կերակուրս և յըմպելիս. զի կերակուր նոցա պարտ է լինիլ միշտ թեթեւ և դիւրամարս:

Վենայնիւ զգուշացի ՚ի համեմեալ և ՚ի յոլով կերակրոց, ՚ի զօրաւոր և ոգելից ըմպելեաց, ՚ի բարկութենէ և ՚ի տարտամութենէ մտաց, ՚ի սաստիկ ցրտութենէ կամ ՚ի ջերմութենէ, կնդել զգլուխն և լուանալ միշտ ցուրաջրով, պահել զոտն միշտ ջերմ. զգուշանալ ՚ի թացութենէ օտից, լոյծ պահել զօրովայնն մեղմ դալարեօք կամ թեթեւ դ. զօրէիւք, այսինքն՝ առնելով խապրոլէ կամ քրիմաբարս, սենաման, կամ եփուած Լամբինդոյ ընդ անդղիական աղի, և այլն:

Նաեւ չէ պարտ զանց առնել զթեթեւ կրթութիւնս ըստ չափութարողութեան անձին:

Կարի օգտակար ներգործութիւն արգելոյ զկաթուածն՝ է բանալ զմըշտատեւ խարանս յերկոսին բաղուկս, զորս և ամենայն զգուշութեամբ խընամել պարտ է զի մի փակեսցին առանց բանալոյ զայլ փոխարէն այնոցիկ:

Կաթուածահար անձինք պարտին ամենայնիւ զգուշանալ զի մի երթիցն յանկողին լի ստամբսով, կամ ննջել՝ զգլուխն ունելով ՚ի ցած բարձի և կապանս ինչ ՚ի պարանոցի:

ԳԼՈՒԽ ԺԲ .

Տ շալիս փարո-թիւնք :

Ի մէջ հիւանդութեանց՝ որք պատահին աղբի մարդկան, ջրային տկաթութիւնքն են խառնակեալ և գրեթէ ամենեւին անբժշկելի :

Այն մատեան մի չէ բաւական եթէ կամիցի որ գրել զպէսպէս փոփախական երեւոյթս այսց հիւանդութեանց, զի ունին նմանութիւն այլոց ուխտից, և են հազիւ համանման յերկուս անձինս, կամ ՚ի մի և նոյն անձն ՚ի զանազան ժամանակս : Իբրեւ զՊրոտէոս անընդհատ փոխին ՚ի կերպարանս, և յիւրտրանչիւր հանդիպման նոցա՝ հիւանդն զգայ նորանոր նշանս, զոր յառաջ չէր փորձեալ, և ՚ի կրկնելն հետզհետէ՝ զմին քան զմիւսն սաստկագոյն գտանէ :

Եւ խաբս այս ոչ միայն ներգործեն մարմնոյն, այլ և մտայն իսկ, և բազում անգամ պատճառ են սաստիկ նշանութիւն, և անհարին այլանդակ խորհուրդս, լքումն ոգւոյ, վատասորութիւն, երկիւղ, թախծութիւն մտաց և փոփոխութիւն բնութեան :

Պարզապէս :

Ամենայն ինչ որ պատճառէ ընթացութեան իւրն կամ նուազութի մարմնոյ, տայ գոյութիւն այսր ախտի. որ պիտի են հեղգութիւն, անչափ վաճառութիւն, ըմպումն յաճախ թէյի, խահլէի, կամ այլ անզոր ջերմաջերմ ջրային հեղուկաց, ստեպ աբիւն առնելն, կամ յաճախ գործածութիւն լուծողական և փոխական դեղոյ :

Եւ եւ որ ինչ զնաե մարտողութեան, կամ արգելութեան զպատշաճ փո-

խորհութիւն կերակրոց ՚ի ստամոքսի, ունի զնոյն ներգործութիւն, որպիսի են ընդերկար պահեցողութիւն կերակրոց, անչափ ուտել և ըմպելն, կիրառութիւն քամոտ, անեփ և անառողջ կերակրոց, և անյարմար գրութիւն մարմնոյ :

Այս ախտք գրեթէ հասարակ են ՚ի մէջ ուսումնական անձանց, յորոց սակաւք են որ ազատ գտանիցին յայտոյիկ ախտից. քանզի սաստիկ և խորաքննին մտածողութիւնն, յորում սովոր են նորա լինել, ոչ միայն ճնշէ զոգիս նոցա, այլ և ոչ թոյլ տայ հետեւել պատշաճ կրթութեան, ուստի մարտողութիւնն նուազի, սընունդ մարմնոյն տկարանայ, թանձրագոյն մասունք մարմնոյն լուծանին և բովանդակ զանգուած հիւթոյն ապականին, որով և պատճառին այսոքիկ սարսափելի ախտք :

Եւ որ ինչ նուազեցուցանէ զմարմին, ճնշէ զոգիս և զկենդանական զօրութի մարմնոյ, պատճառէ զայս ախտս, որպիսի են վատառողջ օդ, պակասութիւն քնոյ, ծանր վաստակ, անհեթեթ կարծիք, պէսպէս կատկածանք, անձկութիւն սրտի, տարակուսանք, տրտմութիւն, յուսահատութիւն, սրտնեղութիւն, և անընդհատ բարկութիւն կամ զայրացումն :

Նշանք այսոյիկ կիւանդութեանց :

Այն յիշեցուք զայնոսիկ նշանսն միայն, որք հասարակ են յայսոսիկ հիւանդութեան :

Այս անտանելի հիւանդութեանք հասարակապէս սկսանին հողմային փոքրացմամբ կամ տարածմամբ ստամոքսաց և փորոտեաց, որով և ախորժակ և մարտողութիւն հիւանդին անկանի

ընդ փառթար դրուծեամբ, զի բազում անգամ կ'երակուրն թթուի 'ի ստամոքսին և հիւանդն վշտանայ փրօխամբ, որ և երբեմն փսխէ լոկ ջուր, և երբեմն պաղլամ կամ գորշագոյն հիւթ ինչ. բազմիցս եւս ըմբռնի 'ի լիկից ցաւս շուրջ զպորտիւն հանդերձ շառաչմամբ աղետաց:

Այսրդ լուծման որովայնի նորա է անհամեմատ. զի երբեմն լինի լոյծ և երբեմն պինդ. յսմէ և պատճառի հոլմ և անհանգստութիւն յոյժ:

Այլ նորա լինի երբեմն սակաւ և երբեմն շատ, և այն միանգամայն լըստակ և պարզ, Տարածի սաստիկ պընդութիւն 'ի վերայ կրծոց նորա, որով և դժուարանայ շնչառութիւնն, զգայ սաստիկ բաղխումն սրտի, և յանկարծակի սաստիկ ջերմութի 'ի զանազան մտառնս մարմնոյ, և երբեմն եւս սաստիկ սառնութիւն ընդ բոլոր մարմինն. և բազում անգամ ըմբռնի 'ի ցաւ բազկաց, կամ անդամոց, թիւկանց կամ որովայնի. զարկ բաղկացն հարկանի կարի անհամեմատ, զի երբեմն լինի անսովոր յամր և թոյլ, և երբեմն երազ և խիստ: Այլ յորանջէ հիւանդն, ձգւոտայ, հառաչէ, և զգայ հեղձութիւն. նաև երբեմն լայ և երբեմն ծիծաղէ. քուն նորա է միշտ անհանգիստ, յորում և բազում անգամ խռովի զարհուրելի երազովք կամ երեւակայական ցնորիւք:

Շտեղծին և այսոցիկ գլխացաւ, կարկամումն, անընդհատ ցաւ 'ի զանազան մասունս մարմնոյ. հնչումն ալկանջաց, և անկարգութիւն բովանդակ կենսական գործողութեանց: Աւտի և մկոքն խռովի միշտ 'ի շնչին պատճառաց, և յուրի 'ի կարի թիւր արհաւրաց, որոց և յաջորդէ անհանգստութիւն, երկիւղ և սոսկումն, բարկութիւն, տարակոյս և սաստիկ թախսութիւն:

Ե

Յուզի անդադար նա յերեւաւ կայական 'ի չար և 'ի դժնդակ սարսռելի խորհուրդս, որով և խանգարի յիշողականութիւնն. սխալի խաղաղ 'ի դատողութիւնս իւր. կորուսանէ միանգամայն զընտրողութիւն մտացն. զցայգ և զցերեկ տարուբերի 'ի շուրունակ զարհուրանս չար ոգւոց և մահու:

Այլ, զիմորդ ցաւալի է ապերժանիկ կացութիւն այսպիսի հիւանդի. զի բոլոր երանի տայ անձին, եթէ ծնեալ էր հրէշ կամ ճիւղալ քան թէ մարդ բանական:

Օգուշ-իւն:

Ար վշտանայ ջղային տկարութեք, չէ պարտ ընդերկար մնալ անուշաղ, կերակուր նորա պարտ է լինիլ զօրաւոր և սննդաւոր, բայց դիւրամարս: Պարարտ միս և համեմունք քնասակար են յոյժ: Պարտ է զգուշանալ յանշափութենէ, չուտել ինչ նախ քան զքաղցնուն, և մի զայնպիսի ինչ զօր գիտէ եթէ չկարէ մարտել:

Նաեւ 'ի բաց կացոյէ 'ի ծանր ընթերցաց. և յորժամ զգայ վնուաղութիւն կամ զընդարմացումն, միայն կոտորակ մի հայիւ և բաժակ մի զինւով լիասցի: Եւ այց զգուշացի յառաւելութենէ ըմպելեաց. զի որքան չափաւորն զօրացուցանէ զստամոքսն և օգնէ մարսողութեանն, այնքան առաւելն քան զչափն թուլացուցանէ զմարմինն և անպիտան առնէ վկարողութիւն մտացի. բայց եթէ հիւանդն զգայ թթուիլ գինեոյն 'ի ըստամոքսի, բարւոք է փոխարէն այնորիկ առնուլ տակաւ ինչ Բրանդ ջրախառն:

Նաեւ զգուշանալ պարտ է յամենայն կերակրոց, որք են քամատ, կար-

ծրոյ և դժուարամարտ. եւս և յամենայն անգոր, թոյլ և ջերմաջերմ բմ. պեղեաց, որպիսի են թէյ, զահվէ, օշորակ լիմոնի, քացախոյ, թամբիւն դոյ, փռնչ, և այլն : Օգուշալի է յատկապէս ՚ի զօրաւոր եւ ոգելից բնակեղաց, որք թ. եւ առժամանակ ժի դիւրեն զհիւանդն, սակայն յոյժ առաւելուն զովարութիւնն : զի նըւազին զմարմինն, մեղսսն մարսողութեանն, և բազում անգամ պատշաճեն զմահաւորի ձեռեւանս :

Հոյս անտանելի հիւանդութիւնս կրթութիւնն է գերազանց միջոց բուժիչութեան քան զամենայն դեղ և զճար, և այն հետիոտններով օրսւ կամ կառօք, զորն և համարիցի հիւանդն առաւել օգտակար, այն օգնէ ինքեան. բայց առաւել օգտաւէտ է ոտիւք կամ երկվարաւ, որով շարժին ամենայն անդամքն առանց կարի վստօտակելոյ :

Երկար ճանապարհորդութիւն ծովու կամ ցամաքին է նոյնպէս օգտաւէտ սոյն հիւանդութեանց, զի փոփոխութիւն տեղեաց, պէտքէս տեսարանք բնութեան և զանազան նոր առարկայք՝ որք գրաւեն զմիտս հիւանդին, են բարեբաստիկ միջոց ՚ի բժշկել կամ ՚ի դիւրել զայստիկ ախտս :

Նոեւ ոչ սակաւ օգուտ է ցուրտ, չոր և բարեխառն օդն, զի այնքէ բզջիզն և կարողացուցանէ զանդամն. իսկ ընդհակառակն թուրացուցանէ և անկարող առնէ ջերմ և անբարեխառն օդն. բայց եթէ ստամոքս և աղիք հիւանդին նուազ են, պարտ է զգուշանալ ՚ի ցրտոյ, յատկապէս ՚ի ձմեռան և յանձրեւային եղանակի. վասն որոյ բարւոք է նմա ՚ի սոյն եղանակս զգնեալ Ֆրանէլս, որ յորդէ զարտաշնչութիւն և պահպանէ զանձն ընդդէմ յանկարծ փոփոխութեան ջերմ եղանակի ՚ի ցուրտն :

Շփել զմարմին հիւանդին նուրբ վրձինաւ կամ հաստ կտուով կարի օգուտ է վասն շրջանի արեան և արտաշնչութեան մարմնոյ :

Նոե պարտ է ձալ յառնել հիւանդին ՚ի քնոյ. առնել զկանոնաւոր կրթութիւնս նախ քան զբաղմունքն ՚ի ճաշ. և պահել անձն միշտ հանգիստ, խաղաղ և ուրախ. քանզի ոչինչ այնչտի մեղսէ այսց հիւանդութեանց և նուազի : զմարտդական զօրութիւն բւտամքօին, որչափ երկիւղն, տրտմութիւնն և թախծութիւնն մտաց :

Դեղ :

Թէ և զոյս անտանելի ախտս անհրնարին է գեղորիւք բժշկել, բայց և ոչ զանց արասցուք վասն զանազան պատճառաց կարգել աստ զքանի մի թեթեւ դեղս, զորս հիւանդն կարէ ազնտօրէն ՚ի կիր առնուլ ՚ի զանազան պատահմունս առ ՚ի դիւրութիւն, այսինքն յամբութեան որովայնի, ՚ի նուազութեան մարմնոյ և ստամոքսին, յանմարսութեան և ՚ի վերախտութեան :

Համբութեան որովայնին կարէ հիւանդն առնուլ զբարբաբ (բալէն), խաւարայլ, սինա մանա (սինա մեդ), և այլ մեղմ լուծողական դեղս :

Ի նուազութեան մարմնոյ պարտ է հիւանդին յամենայն առաւօտութեան լուծանիլ ցուրտ ջրով, հեղով զայն ՚ի վերայ գլխոյն :

Ի նուազութեան ստամոքսաց հարկ է նմա առնուլ յամենայն առաւօտութեամբ միով յառաջ նախ քան զճաշեն, զհեղուկ փրօտան բարձի կամ բւտամոքոյին դառն դեղորայս : Եւ ՚ի թթուածութեան ստամոքսաց՝ ըզմագնեօխա (մանիէզիտ) :

Ի յանմարսութեան և վերախտութեան

Թեան պարտ է նմա առնուլ ոգի ար-
ջասպի ապիւրբ օֆ վերիօլ, յաւուրն
երկիցս կամ երիցս անգամ, և առ
անգամն 20 կամ 30 շիթ մի բաժակաւ
միտ ջրոյ : Եւ վասն այլոյ ամենայնի
չիք դեղ և դարման, մեծ բայց միայն
զգուշութեամբ պարտ է միտ դնել
կերակրոյ և ըմպելեաց, օգոյն և կրք.
Թուլեան, զբօսանաց և անդորրու-
թեան յիշատակեալ ի վերոյ, և յառ-
կապէս ողջախոհութեան. ապա թէ
ոչ չէ հնար ազատիլ յայտոցիկ դառն
և յանտանելի ախտից, որ ընկեր են
մարդոյ անդուլ տանջանօք մինչեւ ի
ջանել նորա ի գերեզման :

ԳԼՈՒԽ ԺԳ.

Ս. ԲԳՂՈՒԹԻՒՆ :

Ս. ԲԳՂՈՒԹԻՒՆՆ է անբնական այ-
տումն բոլոր մարմնոյ, կամ միոյ իրիք
անգամաց, պատճառ եալ ի ժողովմանէ
ջրային հիւթոց, որ և բաժանի ի զա-
նազան անուանս բստ ջրգողեալ մա-
սանց մարմնոյ, այսինչ յՆաասարկա, որ է
ժողով ջուրց ընդ բովանդակ մարթ
մարմնայն : յՆաասարկա, որ է ժողով ջուրց
յորովայնի, ի Հիբրոսկա կամ ի Պի-
սոսկա, որ է ջրգողութիւն կրծոց, և
ի Հիբրոսիֆալըս, որ է ջրգողութիւն
ուղեղան կամ սկաւառակի գլխոյ :
Եւ ամենայն տեսակք որ և է, վա-
տանգաւոր են և գրեթէ մահացու :

Պատճառք :

Իսպուժ անգամ ջրգողութիւնն
է ժառանգական, որ ի ծնողաց իջա-
նէ առ սերունդս իւրեանց :

Եւսեւ հնար է այնմ յառաջ գալ
ի հրատապ կամ յայլ զօրաւոր ըմպե-

լեաց. որոյ վասն առի յառակա թէ,
անշտի ըմպողք զո և իցէ ի զօրաւոր
ըմպելեաց, ջրգողութեամբ մեռանին,
Եւս ախտ գրեթէ հասարակ է և
ի մէջ այնոցիկ որք նստողական կեա-
նըս վարեն, և յայնոսիկ որք ստէպ
արիւն առնեն և հետեւին միշտ լու-
ծողական դեղոց :

Եւսեւ բազում անգամ պատճառի
այն ի յանկարծական արգելմանէ սովա-
րական կամ հարկաւոր արտաթորման,
որպիսի են դաշտան, թուլթք, և բը-
նական լուծումն որովայնի :

Եւս և պատճառի այն յըմպելոյ
յաճախ ցուրտ, անդոր և ջրային հե-
ղուկս, յորժամ մարմինն է դեռ կա-
րի ջերմ իսաստիկ կրթութենէ իմեքէ,
այսինքն յընդերկար քայլելոյ, ի հե-
ծանելոյ գծի, ի վաղելոյ, ի պարե-
լոյ, և այլն :

Իսպուժ անգամ եւս պատճառի
այն ի խոնաւ և ի շոգելից բնակու-
թենէ, ուստի և գրեթէ հասարակ է
այս հիւանդութիւն ի բնակիչս խո-
նաւուտ, հարթ և ճախնային տեղե-
կաց :

Եւսնպէս և հնար է այնմ պատճա-
ռիլ յոճախ ի կիրառութենէ ջրային,
և անդոր կամ դժուարամարս կերակ-
րոց, ի ներգործութենէ այլոց հիւան-
դութեանց, որպիսի են դալուկն,
խոյլ լերդի, թանջք, թորացաւու-
թիւն, և այլն :

Եւսեւ յարգելմանէ արտաշնչու-
թեան մարմնոյ և կանոնաւոր շրջանի
արեան պատճառի այս ախտ :

(Շորանոյնիւն)